

- (2) Искључиво право на заштиту топографије престаје истеком календарске године у којој се навршава десет година од дана почетка рока из става (1) овог члана.

Члан 22.

(Пренос права и лиценци)

- (1) Право на заштиту топографије може бити, у цјелини или дјелимично, предмет преноса на основу уговора о преносу или на основу наслеђивања.
- (2) Поједина или сва овлашћења из права на заштиту топографије могу, са ограничењима или без њих, бити предмет уступања на основу уговора о лиценци.
- (3) Уговори из ст. (1) и (2) овог члана пуноважни су само ако су састављени у писаној форми.
- (4) На захтјев једне од страна уговорница, подаци о уговорима из ст. (1) и (2) овог члана уписују се у регистар топографија.
- (5) Пренос права, односно уговорни односи из ст. (1) и (2) овог члана имају дјеловање према трећим лицима само ако су уписани у регистар топографија.
- (6) Директор Института правилником прописује садржај уписа у регистар топографија који се уписује у складу са одредбама ст. (1) и (2) овог члана.

ДИО ЧЕТВРТИ - ПРОГЛАШАВАЊЕ НИШТАВИМ РЈЕШЕЊА О ПРИЗНАЊУ ПРАВА НА ЗАШТИТУ ТОПОГРАФИЈЕ

Члан 23.

(Овлашћење за покретање поступка и разлози за ништавост)

- (1) Институт ће, на приједлог заинтересованог лица или правобраниоца БиХ или омбудсмана БиХ или по службеној дужности, прогласити ништавим рјешење о признању права заштите топографије ако утврди да у моменту доношења рјешења:
 - а) предмет заштите није била топографија у смислу члана 3. став (2) овог закона;
 - б) топографија није испуњавала услове за заштиту у смислу члана 5. овог закона;
 - ц) пријава није била поднесена у року из члана 6. овог закона;
 - д) носилац права на топографију није имао право на заштиту у смислу чл. 7. и 8. овог закона;
 - е) прилози из члана 12. став (3) овог закона нису имали прописане елементе, односно нису одговарали топографији за коју је затражена заштита.
- (2) Поступак за проглашавање ништавим рјешења о признању права на заштиту топографије може се покренути пред Институтом током цијелог рока трајања права на заштиту топографије.
- (3) Ако подносилац приједлога за проглашавање ништавим рјешења о признању права на заштиту топографије током поступка одустане од свог захтјева, Институт може наставити поступак по службеној дужности.

Члан 24.

(Ограничење дјеловања поништења)

Поништење рјешења о признању права заштите топографије нема ретроактивно дјеловања на правоснажне судске одлуке у вези са утврђивањем повреде права, као ни на склопљене уговоре о преносу права, односно уступању лиценце, ако су и у мјери у којој су ти уговори извршени, под условом да је носилац права био савјестан.

ДИО ПЕТИ - ПРЕЛАЗНЕ И ЗАВРШНЕ ОДРЕДБЕ

Члан 25.

(Усклађена примјена Закона о патенту)

Одредбе Закона о патенту којима се уређују: овлашћење за заступање, поступак за проглашавање ништавим рјешења о признању права, престанак права залога, извршење, стечај, грађанскоправна заштита права и царинске мјере на одговарајући начин се примјењују на топографије које су предмет заштите према овом закону.

Члан 26.

(Примјена Закона)

- (1) Одредбе овог закона примјењују се само на топографије које су настале након датума почетка његове примјене.
- (2) Поступци покренути до дана почетка примјене овог закона довршиће се према одредбама Закона о заштити топографије интегрисаног кола ("Службени гласник БиХ", број 53/10).

Члан 27.

(Прописи за примјену овог закона)

- (1) Директор Института донијеће правилник о примјени овог закона до дана одређеног за њен почетак.
- (2) Директор Института поднијеће надлежним институцијама приједлог измјена прописа којима се уређују таксе и накнаде посебних трошкова у поступку стицања и одржавања, како би се ускладили са одредбама овог закона, два мјесеца од његовог ступања на снагу.
- (3) Приједлог за измјену прописа којима се уређују таксе подноси се Министарству финансија и трезора Босне и Херцеговине, а одлуку о посебним трошковима поступка, на приједлог директора Института, доноси Министарство спољне трговине и економских односа Босне и Херцеговине.

Члан 28.

(Заштита личних података)

Приликом примјене овог закона, обрада личних података спроводиће се у складу са прописима којима се уређује заштита личних података у Босни и Херцеговини.

Члан 29.

(Престанак важења Закона)

Почетком примјене овог закона престаје да важи Закон о заштити топографије интегрисаног кола ("Службени гласник БиХ", број 53/10).

Члан 30.

(Ступање на снагу и примјена)

Овај закон ступа на снагу осмог дана од дана објављивања у "Службеном гласнику БиХ", а примјењује се по истеку године дана од дана ступања на снагу.

Број 01,02-02-1-1859/25

14. маја 2026. године

Сарајево

Предсједавајући
Представничког дома
Парламентарне скупштине
БиХ
Дарко Бабаљ, с. р.

Предсједавајући
Дома народа
Парламентарне скупштине
БиХ
Кемал Адемовић, с. р.

Predstavničkog doma, održanoj 27. novembra 2025. godine, i na 31. hitnoj sjednici Doma naroda, održanoj 14. maja 2026. godine, usvojila je

ZAKON
O ZASTUPANJU U OBLASTI PRAVA INDUSTRIJSKOG
VLASNIŠTVA
DIO PRVI - OPĆE ODREDBE

Član 1.

(Predmet Zakona)

Ovim zakonom propisuju se uslovi za obavljanje poslova zastupanja u oblasti prava industrijskog vlasništva u postupcima pred Institutom za intelektualno vlasništvo Bosne i Hercegovine (u daljnjem tekstu: Institut), postupak upisa u registar ovlaštenih zastupnika (u daljnjem tekstu: registar), uslovi za upis u registar, brisanje iz registra i osnivanje Komore zastupnika u oblasti prava industrijskog vlasništva (u daljnjem tekstu: Komora).

Član 2.

(Upotreba izraza u muškom i ženskom rodu)

Riječi koje su radi preglednosti u ovom zakonu navedene u jednom rodu bez diskriminacije se odnose i na muški i na ženski rod.

Član 3.

(Obavljanje poslova zastupanja pred Institutom)

Poslovima zastupanja u postupcima pred Institutom mogu se baviti:

- a) fizička i pravna lica koja su upisana u registar koji vodi Institut (u daljnjem tekstu: ovlašteni zastupnici), pod uslovima i na način propisan ovim zakonom;
- b) advokati i advokatska društva koji su upisani u imenik advokata Advokatske komore Federacije Bosne i Hercegovine (u daljnjem tekstu: Advokatska komora Federacije BiH) i Advokatske komore Republike Srpske, koji su upisani u registar koji vodi Institut, pod uslovima i na način propisan ovim zakonom.

Član 4.

(Zastupanje stranih fizičkih i pravnih lica)

Fizička i pravna lica koja nemaju prebivalište ili poslovno sjedište na teritoriji Bosne i Hercegovine moraju imenovati zastupnika za zastupanje u oblasti prava industrijskog vlasništva, koji će ih zastupati u postupcima sticanja, održavanja, prometa i prestanka prava industrijskog vlasništva pred Institutom, osim ako drugačije nije propisano posebnim zakonom i međunarodnim ugovorima koji obavezuju Bosnu i Hercegovinu.

Član 5.

(Ovlašteni zastupnici u oblasti prava industrijskog vlasništva)

- (1) Ovlašteni zastupnici u oblasti prava industrijskog vlasništva su:
 - a) patentni zastupnici;
 - b) zastupnici za žigove, industrijski dizajn i oznake geografskog porijekla (u daljnjem tekstu: zastupnici za žigove).
- (2) Patentni zastupnici zastupaju stranke u svim postupcima zaštite prava industrijskog vlasništva propisanim Zakonom o patentu, Zakonom o žigu, Zakonom o industrijskom dizajnu, Zakonom o zaštiti oznaka geografskog porijekla i Zakonom o zaštiti topografija poluprovodničkih proizvoda.
- (3) Zastupnici za žigove zastupaju stranke samo u postupcima u vezi sa zaštitom prava industrijskog vlasništva propisanim Zakonom o žigu, Zakonom o industrijskom dizajnu i Zakonom o zaštiti oznaka geografskog porijekla.

Član 6.

(Uslovi za upis u registar koji vodi Institut)

- (1) Patentni zastupnik može biti:
 - a) fizičko lice koje je državljanin Bosne i Hercegovine i ima prebivalište u Bosni i Hercegovini, koje ima završen četvorogodišnji diplomski studij iz prirodnih, tehničkih i biotehničkih nauka, biomedicine i zdravstva, ekonomije ili prava u Bosni i Hercegovini, uključujući lice koje je te studije završilo u bivšoj SFRJ do 6. aprila 1992. godine, ili lice koje je po sistemu obrazovanja prema bolonjskom procesu na navedenim fakultetima u Bosni i Hercegovini završilo studij i steklo najmanje 240 ECTS bodova ili ekvivalent u skladu sa zakonom kojim je uređena oblast visokog obrazovanja i koje je pred Institutom položilo stručni ispit za patentnog zastupnika, te fizičko lice koje ima završen različit studij od navedenih fakulteta i koje ima radno iskustvo na poslovima sticanja i održavanja prava industrijskog vlasništva od najmanje tri godine, stečeno nakon završetka studija i koje je pred Institutom položilo stručni ispit za patentnog zastupnika;
 - b) advokat koji je upisan u imenik advokata Advokatske komore Federacije BiH i Advokatske komore Republike Srpske, koji je pred Institutom položio stručni ispit za patentnog zastupnika, ili advokatsko društvo koje zapošljava najmanje jednog takvog advokata ili s njim sarađuje na osnovu drugog ugovornog odnosa;
 - c) pravno lice sa sjedištem u Bosni i Hercegovini koje zapošljava najmanje jedno lice koje zadovoljava uslove iz tačke a) ovog stava ili s takvim licem sarađuje na osnovu drugog ugovornog odnosa.

- (2) Zastupnik za žigove može biti:

- a) fizičko lice koje je državljanin Bosne i Hercegovine i ima prebivalište u Bosni i Hercegovini, koje je prije reforme visokog obrazovanja završilo četvorogodišnje diplomatske studije u Bosni i Hercegovini, uključujući lice koje je te studije završilo u bivšoj SFRJ do 6. aprila 1992. godine ili lice koje je po sistemu obrazovanja prema bolonjskom procesu na fakultetima u Bosni i Hercegovini završilo studij i steklo najmanje 240 ECTS bodova ili ekvivalent u skladu sa zakonom kojim je uređena oblast visokog obrazovanja i koje je pred Institutom položilo stručni ispit za zastupnike za žigove;
- b) advokat koji je upisan u imenik advokata Advokatske komore Federacije BiH i Advokatske komore Republike Srpske, koji je pred Institutom položio stručni ispit za zastupnika za žigove, ili advokatsko društvo koje zapošljava najmanje jednog takvog advokata ili s njim sarađuje na osnovu drugog ugovornog odnosa;
- c) pravno lice sa sjedištem u Bosni i Hercegovini koje zapošljava najmanje jedno lice koje ispunjava uslove iz tačke a) ovog stava ili s takvim licem sarađuje na osnovu ugovornog odnosa.

Član 7.

(Stručni ispiti)

- (1) Stručni ispiti iz člana 6. stav (1) tač. a) i b) i stav (2) tač. a) i b) ovog zakona polažu se pred ispitnom komisijom Instituta. Sastav ispitne komisije, postupak polaganja ispita te

programi ispita za patentne zastupnike i zastupnike za žigove uređuju se pravilnikom o stručnom ispitu koji donosi direktor Instituta.

- (2) Članovima ispitne komisije pripada naknada za rad u komisiji.
- (3) Direktor Instituta posebnom odlukom imenuje članove ispitne komisije iz stava (1) ovog člana te propisuje visinu naknade za rad članova ispitne komisije.
- (4) Polaganja stručnog ispita za zastupnike za zaštitu industrijskog vlasništva oslobođeno je lice koje je radilo najmanje tri godine na poslovima ispitivanja u postupcima zaštite prava industrijskog vlasništva u Institutu ili postupcima zaštite žiga i industrijskog dizajna u Uredu Evropske unije za intelektualno vlasništvo (EUIPO) i u postupcima zaštite patenta u Evropskom patentnom uredu (EPO), ako ispunjava uslove iz člana 6. Zakona.

Član 8.

(Punomoć)

- (1) Zastupnici stranku u postupku zastupaju na osnovu pisane punomoći u okviru sadržaja i obima koji je njom određen.
- (2) Punomoć se može odnositi na jednu ili više prijava ili registracija ili, ako je tako naznačeno u samoj punomoći, na sve postojeće i buduće prijave ili registracije.
- (3) Punomoć iz stava (2) ovog člana, koja se odnosi na sve prijave ili registracije istog davaoca, jeste opća punomoć.
- (4) Stranka u punomoći može ograničiti ovlaštenja zastupnika na tačno određene radnje koje je zastupnik opunomoćen preduzimati u postupku pred Institutom.
- (5) Punomoć na osnovu koje zastupnik može povući prijavu ili opozvati registraciju mora sadržavati izričito odobrenje stranke.

DIO DRUGI - STICANJE I GUBITAK PRAVA NA OBAVLJANJE DJELATNOSTI OVLAŠTENOG ZASTUPNIKA

Član 9.

(Sticanje prava na obavljanje djelatnosti ovlaštenog zastupnika)

Pravo na obavljanje djelatnosti ovlaštenog zastupnika na teritoriji Bosne i Hercegovine stiče se upisom u registar.

Član 10.

(Postupak upisa u registar)

- (1) Postupak upisa u registar pokreće se podnošenjem zahtjeva za upis u registar.
- (2) Uz zahtjev iz stava (1) ovog člana prilažu se dokazi o ispunjavanju uslova iz člana 6. st. (1) ili (2) ovog zakona za upis u registar.
- (3) Uz zahtjev za upis u registar dostavljaju se:
 - a) diploma o završenom fakultetu;
 - b) uvjerenje o državljanstvu ne starije od šest mjeseci;
 - c) potvrda o položenom stručnom ispitu za patentnog zastupnika odnosno zastupnika za žigove;
 - d) dokaz o upisu u imenik advokata odnosno upisu advokatskog društva u odgovarajući registar;
 - e) rješenje o upisu u sudski ili drugi odgovarajući registar;
 - f) ugovor odnosno dokaz o ispunjavanju uslova iz člana 6. stav (1) tač. b) i c) odnosno člana 6. stav (2) tač. b) i c) ovog zakona;
 - g) uvjerenje o nevođenju krivičnog postupka za fizička lica iz člana 6. stav (1) tač. a) i b) odnosno člana 6. stav (2) tač. a) i b) ovog zakona ne starije od tri mjeseca.

Član 11.

(Donošenje odluke o zahtjevu za upis u registar)

- (1) O zahtjevu za upis u registar Institut odlučuje rješenjem.
- (2) Institut donosi rješenje o upisu u registar ako su ispunjeni uslovi iz člana 6. st. (1) ili (2) ovog zakona i ako su dostavljeni svi dokumenti iz člana 10. stav (3) ovog zakona.
- (3) Ako zahtjev za upis u registar ne sadrži dokaze o ispunjavanju uslova iz člana 6. st. (1) ili (2) ovog zakona i ako nisu dostavljeni svi dokumenti iz člana 10. stav (3) ovog zakona, Institut će pozvati podnosioca zahtjeva da dostavi odgovarajuće dokaze u roku od 30 dana od dana prijema akta.
- (4) Ako podnosilac zahtjeva iz stava (3) ovog člana ne postupi po nalogu Instituta, Institut donosi rješenje o odbacivanju zahtjeva za upis u registar.
- (5) Institut je dužan obaviti upis u registar bez odgađanja ako utvrdi da je zahtjev za upis osnovan.
- (6) Protiv odluke Instituta, donesene u prvom stepenu, kojom je odlučeno o predmetu postupka, dopuštena je žalba o kojoj odlučuje Komisija za žalbe Instituta (u daljnjem tekstu: Komisija za žalbe).
- (7) Protiv rješenja Komisije za žalbe donesenog u drugom stepenu žalba nije dopuštena, ali se može pokrenuti upravni spor pred Sudom Bosne i Hercegovine.

Član 12.

(Administrativna taksa i naknada troškova postupka upisa u registar)

- (1) Administrativna taksa i naknada posebnih troškova postupka plaća se za:
 - a) upis u registar,
 - b) obnovu upisa u registar,
 - c) ponovni upis u registar,
 - d) upis promjena u registar.
- (2) Iznosi administrativnih taksi i naknada posebnih troškova postupka određuju se posebnim propisima.

Član 13.

(Podaci koji se upisuju u registar)

- (1) U registar se upisuju sljedeći podaci:
 - a) registarski broj zastupnika;
 - b) podaci o zastupniku (ime i prezime, stručna sprema, zvanje, adresa, odnosno preduzeće i sjedište pravnog lica, telefon, fax, e-mail adresa, internetska stranica i jezik za korespondenciju);
 - c) datum upisa u registar;
 - d) podaci o licima koja ispunjavaju uslove iz člana 6. stav (1) tač. a), b) i c) i člana 6. stav (2) tač. a), b) i c) ovog zakona, odnosno licima koja su zaposlena kod zastupnika ili s njim imaju zaključen ugovor (ime i prezime, adresa, stručna sprema, zvanje, podaci o ugovoru).
- (2) U registar se upisuje promjena ličnih podataka o zastupniku (ime i prezime, stručna sprema, zvanje, adresa, odnosno preduzeće i sjedište pravnog lica, telefon, fax, e-mail adresa, internetska stranica i jezik za korespondenciju), kao i promjena podataka o licima koja ispunjavaju uslove iz člana 6. stav (1) tač. b) i c) i člana 6. stav (2) tač. b) i c) ovog zakona. Podaci iz ovog stava upisuju se u odgovarajući registar na zahtjev zastupnika.
- (3) Zastupnik je dužan podnijeti zahtjev za upis promjene podataka iz stava (2) ovog člana najkasnije 30 dana od nastale promjene, te uz zahtjev dostaviti odgovarajuće dokaze o nastaloj promjeni.

- (4) Ako zastupnik uz zahtjev za upis promjene podataka upisanih u registru ne dostavi dokaze o nastaloj promjeni, Institut će zahtjev zaključkom odbaciti.
- (5) Ako zastupnik u roku koji je određen pozivom Instituta za uplatu administrativne takse i posebnih troškova postupka za upis promjene podataka u registru ne dostavi dokaze o izvršenim uplatama propisane administrativne takse i posebnih troškova postupka, Institut će zahtjev zaključkom odbaciti.
- (6) Institut donosi rješenje o upisu promjene podataka u registru ili rješenje o odbijanju zahtjeva za upis promjene podataka u odgovarajućem registru.
- (7) Protiv rješenja Instituta iz stava (6) ovog člana dopuštena je žalba o kojoj odlučuje Komisija za žalbe.
- (8) Protiv rješenja Komisije za žalbe donesenog u drugom stepenu žalba nije dopuštena, ali se može pokrenuti upravni spor pred Sudom Bosne i Hercegovine.

Član 14.

(Period važenja upisa, obnova upisa i postupak obnove upisa)

- (1) Zastupnik se upisuje u odgovarajući registar na period od godinu dana, čiji početak je određen datumom donošenja rješenja o upisu, uz mogućnost obnove upisa neograničen broj puta.
- (2) Upis u odgovarajući registar obnavlja se istekom godine dana od dana upisa, odnosno od dana posljednjeg obnavljanja upisa u registar.
- (3) Uz zahtjev za obnovu upisa, zastupnik je dužan dostaviti ovjerenu izjavu o ispunjavanju uslova iz člana 6. stav (1) tač. b) i c) i stav (2) tač. b) i c) ovog zakona.
- (4) Za obnovu upisa u registre plaćaju se administrativna taksa i posebni troškovi postupka koji su određeni posebnim propisima.
- (5) Ako zastupnik u roku koji je određen pozivom Instituta za uplatu administrativne takse i posebnih troškova postupka za obnovu upisa u odgovarajući registar ne izvrši uplatu propisane administrativne takse i posebnih troškova postupka, smatrat će se da je odustao od zahtjeva za obnovu upisa u odgovarajući registar, te će Institut donijeti rješenje o brisanju zastupnika iz registra.

Član 15.

(Brisanje iz registra)

- (1) Ovlašteni zastupnik briše se iz registra u sljedećim slučajevima:
 - a) na lični zahtjev;
 - b) ako ne podnese zahtjev za obnovu upisa u registar;
 - c) ako nastupi smrt ili poslovna nesposobnost;
 - d) ako izgubi državljanstvo Bosne i Hercegovine;
 - e) ako više nema prebivalište odnosno sjedište u Bosni i Hercegovini;
 - f) ako je osuđen na bezuslovnu kaznu zatvora dužu od šest mjeseci;
 - g) ako pravno lice više ne zapošljava ni jedno fizičko lice iz člana 6. stav (1) tačka a) odnosno stav (2) tačka a) ovog zakona niti s njim sarađuje na osnovu drugog ugovornog odnosa te ako advokatsko društvo više ne zapošljava advokata iz člana 6. stav (1) tačka b) odnosno stav (2) tačka b) ovog zakona niti s njim sarađuje na osnovu drugog ugovornog odnosa;
 - h) ako je zastupnik upisan kao pravno lice, brisanjem tog lica iz sudskog registra odnosno drugog odgovarajućeg registra;
 - i) ako duže od godinu dana ne plaća članarinu Komori.

- (2) Komora iz člana 18. ovog zakona obavezna je Institutu dostaviti obavještenje o činjenicama iz stava (1) tač. b) do i) ovog člana.

- (3) Ako su ispunjeni uslovi iz stava (1) ovog člana, Institut donosi rješenje o brisanju iz registra. Protiv rješenja Instituta dopuštena je žalba o kojoj odlučuje Komisija za žalbe. Protiv rješenja Komisije za žalbe donesenog u drugom stepenu žalba nije dopuštena, ali se može pokrenuti upravni spor pred Sudom Bosne i Hercegovine.

Član 16.

(Ponovni upis u registar)

- (1) Ovlašteni zastupnik koji bude brisan iz registra može biti ponovo upisan u registar ako to zatraži pisanim putem te dostavi odgovarajuće dokaze iz člana 10. ovog zakona, kao i dokaze o plaćenju administrativnoj taksi i naknadi posebnih troškova postupka.
- (2) Ako su ispunjeni uslovi iz stava (1) ovog člana, Institut donosi rješenje o upisu u registar.

Član 17.

(Objavljivanje podataka iz registra)

- (1) Bibliografski podaci o zastupnicima objavljuju se najmanje jednom godišnje u "Službenom glasniku Instituta".
- (2) Liste zastupnika s bibliografskim podacima dostupne su zainteresiranim licima na internetskoj stranici Instituta.

DIO TREĆI - KOMORA

Član 18.

(Udruživanje u Komoru)

- (1) Ovlašteni zastupnici obavezno se udružuju u Komoru, kao samostalnu i nezavisnu organizaciju sa svojstvom pravnog lica, koje se registrira kod Ministarstva pravde Bosne i Hercegovine u skladu sa Zakonom o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08, 76/11 i 94/16) i koje se finansira iz vlastitih izvora.
- (2) Upisom u registar patentni zastupnik i zastupnik za žigove automatski postaje član Komore.
- (3) Ministarstvo pravde Bosne i Hercegovine prati rad Komore i u tu svrhu može od Komore zatražiti odgovarajuće izvještaje i podatke, vodeći računa o samostalnosti i nezavisnosti Komore.
- (4) Komora sarađuje s Institutom u svim pitanjima u vezi sa zastupanjem u oblasti prava industrijskog vlasništva.

Član 19.

(Organi Komore)

- (1) Organi Komore su Skupština, Upravni odbor, predsjednik i drugi organi utvrđeni Statutom Komore.
- (2) Skupštinu Komore čine svi zastupnici koji su upisani u registar koji vodi Institut. U radu Skupštine učestvuje predstavnik Instituta bez prava glasa.
- (3) Organizacija, nadležnost, sastav, način izbora, prava i dužnosti organa Komore uređuju se Statutom i drugim općim aktima Komore.

Član 20.

(Opći akti Komore)

- (1) Skupština Komore donosi: Statut Komore, Kodeks zastupničke etike, Pravilnik o disciplinskoj odgovornosti, tarifu o nagradama i naknadi troškova zastupnika i odluku o visini članarine.
- (2) Tarifa o nagradama i naknadi troškova zastupnika i odluka o visini članarine stupaju na snagu nakon što na njih dâ saglasnost Ministarstvo pravde Bosne i Hercegovine.

- (3) Patentni zastupnici i zastupnici za žigove imaju pravo, bez ograničenja, dati strankama popust u odnosu na tarifu o nagradama i naknadi troškova zastupnika.
- (4) Ostale akte Komora donosi u skladu sa svojim statutom.
- (5) Akti iz stava (1) ovog člana objavljuju se u "Službenom glasniku Instituta".

DIO ČETVRTI - PRIJELAZNE I ZAVRŠNE ODREDBE**Član 21.**

(Status zastupnika koji su upisani u registar)

Zastupnici upisani u registar do početka primjene ovog zakona zadržavaju status zastupnika i imaju mogućnost obnove upisa u skladu s članom 14. ovog zakona.

Član 22.

(Osnivanje Komore)

Komoru iz člana 18. ovog zakona zastupnici su dužni osnovati najkasnije u roku od dvije godine od dana stupanja na snagu ovog zakona.

Član 23.

(Donošenje podzakonskih akata)

Direktor Instituta donosi podzakonski akt iz člana 7. ovog zakona u roku od šest mjeseci od stupanja na snagu Zakona.

Član 24.

(Zaštita ličnih podataka)

Prilikom primjene ovog zakona obrada ličnih podataka provodit će se u skladu s propisima kojima se uređuje zaštita ličnih podataka u Bosni i Hercegovini.

Član 25.

(Prestanak važenja)

Početkom primjene ovog zakona prestaju važiti Odluka o upisu u registre zastupnika za zaštitu industrijskog vlasništva koje vodi Institut za intelektualno vlasništvo Bosne i Hercegovine ("Službeni glasnik BiH", br. 79/17 i 4/20) i Pravilnik o stručnom ispitu za zastupnike za zaštitu industrijskog vlasništva ("Službeni glasnik BiH", br. 22/11, 14/13, 36/16 i 12/20).

Član 26.

(Stupanje na snagu i primjena)

Ovaj zakon stupa na snagu osmog dana od dana objavljivanja u "Službenom glasniku BiH", a primjenjuje se nakon isteka roka od godinu dana od njegovog stupanja na snagu.

Broj 01,02-02-1-1860/25

14. maja 2026. godine

Sarajevo

Predsjedavajući
Predstavničkog doma
Parlamentarne skupštine BiH
Darko Babalj, s. r.

Predsjedavajući
Doma naroda
Parlamentarne skupštine BiH
Kemal Ademović, s. r.

Na temelju članka IV. 4. a) Ustava Bosne i Hercegovine, Parlamentarna skupština Bosne i Hercegovine na 33. sjednici Zastupničkog doma, održanoj 27. studenoga 2025. godine, i na 31. hitnoj sjednici Doma naroda, održanoj 14. svibnja 2026. godine, usvojila je

ZAKON**O ZASTUPANJU U PODRUČJU PRAVA
INDUSTRIJSKOG VLASNIŠTVA****DIO PRVI - OPĆE ODREDBE****Članak 1.**

(Predmet Zakona)

Ovim se zakonom propisuju uvjeti za obavljanje poslova zastupanja u području prava industrijskog vlasništva u postupcima pred Institutom za intelektualno vlasništvo Bosne i Hercegovine (u daljnjem tekstu: Institut), postupak upisa u registar ovlaštenih zastupnika (u daljnjem tekstu: registar), uvjeti za upis u registar, brisanje iz registra i osnivanje Komore zastupnika u području prava industrijskog vlasništva (u daljnjem tekstu: Komora).

Članak 2.

(Uporaba izraza u muškom i ženskom rodu)

Riječi koje su radi preglednosti u ovom zakonu navedene u jednom rodu se bez diskriminacije odnose i na muški i na ženski rod.

Članak 3.

(Obavljanje poslova zastupanja pred Institutom)

Poslovima zastupanja u postupcima pred Institutom mogu se baviti:

- a) fizičke i pravne osobe koje su upisane u registar koji vodi Institut (u daljnjem tekstu: ovlašteni zastupnici), pod uvjetima i na način propisan ovim zakonom;
- b) odvjetnici i odvjetnička društva koji su upisani u imenik odvjetnika Odvjetničke komore Federacije Bosne i Hercegovine (u daljnjem tekstu: Odvjetnička komora Federacije BiH) i Odvjetničke komore Republike Srpske, koji su upisani u registar koji vodi Institut, pod uvjetima i na način propisan ovim zakonom.

Članak 4.

(Zastupanje stranih fizičkih i pravnih osoba)

Fizičke i pravne osobe koje nemaju prebivalište ili poslovno sjedište na teritoriju Bosne i Hercegovine moraju imenovati zastupnika za zastupanje u području prava industrijskog vlasništva, koji će ih zastupati u postupcima stjecanja, održavanja, prometa i prestanka prava industrijskog vlasništva pred Institutom, osim ako drugačije nije propisano posebnim zakonom i međunarodnim ugovorima koji obvezuju Bosnu i Hercegovinu.

Članak 5.

(Ovlašteni zastupnici u području prava industrijskog vlasništva)

- (1) Ovlašteni zastupnici u području prava industrijskog vlasništva su:
 - a) patentni zastupnici;
 - b) zastupnici za žigove, industrijski dizajn i oznake zemljopisnog podrijetla (u daljnjem tekstu: zastupnici za žigove).
- (2) Patentni zastupnici zastupaju stranke u svim postupcima zaštite prava industrijskog vlasništva propisanim Zakonom o patentu, Zakonom o žigu, Zakonom o industrijskom dizajnu, Zakonom o zaštiti oznaka zemljopisnog podrijetla i Zakonom o zaštiti topografija poluvodičkih proizvoda.
- (3) Zastupnici za žigove zastupaju stranke samo u postupcima vezanim uz zaštitu prava industrijskog vlasništva propisanim Zakonom o žigu, Zakonom o industrijskom dizajnu i Zakonom o zaštiti oznaka zemljopisnog podrijetla.